

Hvala vam gospodine predsjedavajući,

Cijenjeni učesnici, prije svega, dobro jutro svima,

Lijepo je ponovno biti na kraju još jednog kruga Ekonomskog dijaloga između EU i naših zemalja. Moram još jednom ponoviti koliko je ovaj proces važan i koristan za naše upravljanje ekonomijom i koordinaciju s partnerima iz EU. Zaista je evidentno da svake godine dobro napredujemo i da cijeli proces postaje koordiniraniji.

Ovaj proces je u toku, ali potrebno je imati na umu da se moramo suočiti s mnogim inicijativama i reformama u isto vrijeme, kao i da se moramo uskladiti sa zakonodavstvom i procedurama EU.

Centralna banka Bosne i Hercegovine je poduzela nekoliko koraka kako bi provela preporuke iz prethodnih zajedničkih zaključaka. Ti koraci uključuju:

- novu statistiku i razvoj analitičkih alata,
- nedavno smo poboljšali analitički okvir za predviđanje i uticaj mjera politike.

Rezultati su uglavnom u skladu s prethodnim procjenama, prema kojima očekujemo stabilan, ali umjeren rast s ubrzanjem od preko 3% u sljedeće tri godine. Ove stope rasta su ohrabrujuće, ali i naš ekonomski učinak značajno zavisi od vanjskih kretanja. Privatna potrošnja ostaje glavni pokretač rasta, ali imamo i postepeno povećanje stope ulaganja.

Postoji očita potreba za povećanjem potencijala rasta kako bi se stvorilo više radnih mjesta i brža stvarna konvergencija s EU.

Zdrava monetarna politika i stabilan finansijski sistem trebali bi podupirati bolji ekonomski učinak, a mi smo zaista opredjeljeni da radimo u tom pravcu.

Postojeći monetarni aranžman funkcionira vrlo dobro, a naš finansijski sistem postaje sve jači i dobro je kapitaliziran. Međutim, zdrave monetarne i fiskalne politike nisu dovoljne. Za brži rast i bolji životni standard neophodno je da se provedu strukturalne mjere. Dijalog s EU pomogao nam je da identificiramo te mjere, a njihovo provođenje zahtijevaće više vremena i pomoći iz inostranstva.

Predložena tema o privlačnosti naše regije za direktna strana ulaganja vrlo je dobro odabrana i dolazi u pravo vrijeme. Iz perspektive Centralne banke, direktna strana ulaganja osiguravaju pouzdano finansiranje deficita tekućeg računa i čine nas manje osjetljivim na vanjske šokove. Naš bankarski sektor jasno pokazuje pozitivne učinke priliva direktnih stranih ulaganja.

Naporno smo radili na nekoliko područja i napredak je vidljiv. Mnoge međunarodne organizacije pružile su tehničku pomoć i finansiranje.

Jačanje privatnog sektora definitivno bi dalo pozitivan signal potencijalnim stranim investitorima, koji će moći započeti poslovanje koristeći lokalne komparativne prednosti.

Brojni primjeri pokazuju da se strani ulagači još uvijek suočavaju sa složenim birokratskim postupkom i neadekvatnim pravnim okvirom.

Međutim, nakon prevladavanja početnih problema i perioda prilagodbe lokalnim uslovima, strani investitori, duže vrijeme, uspješno vode poslovanje i vrlo smo ponosni što većina investitora ostaje i reinvestira u zemlju.

Potencijal naše zemlje prepoznat je i na nedavnom Godišnjem sastanku EBRD-a i Poslovnom forumu, koji je održan u Sarajevu i koji je donio veliki uspjeh u pogledu budućih ulaganja u zemlju.

Želio bih se zahvaliti institucijama EU: ECB i ESCB što s nama rade na reformama. Iskustvo ovih institucija je vrlo važno za nas u procesu izgradnje našeg sistema, koji bi trebao biti usklađen s propisima EU. Također, finansijska pomoć institucija EU i država članica omogućiće nam da provedemo i dovršimo te bitne reforme.

Hvala vam